

*Cancellarius* perpetuus, qui est Metropolitani Strigoniensis, qui & *Primas Regni* & *Summus Secretarius* nominatur, ac prerogativam habet electum Regem inungendi, & Sigillo majore privilegia munit. Arbitrio Regis assumptus, qui ceteras literas minores & potissimum mandata regia, & in causarum distinctione datas munit, decretisq; Regis subscribit. *Magister Curiae*, Regis Comitatum sequi cogitur, & eiusdem intimus Consiliarius habetur *Tavernicorum Regalium Magister*, Auri fodinarum Salinarumq; & breviter earum Civitatum, Pagorumq; ac castrorum causas distinguit, quaecunque ad fiscum regium pertinent. II Iudicia tractans, in quo Officiarij tres majoris authoritatis, *Vice-palatini Regni*, *Judex personalis praesentiae*, qui & Regiae Majestatis in judiciis locum tenet, & Iudicibus praest: *Vice Iudex Curiae*: Minores, qui ministeria magis judiciorum quam Magistratum exercent: *Protonotarij* duo Iudicis personalis praesentiae. *Protonotarius* Vice-palatini, *Protonotarius* Vice-Iudicis Curiae. Hi omnes Magistri appellantur, habentque in laboris consortium adjunctos hos sequentes: *Secretarium Archiepiscopi Strigoniensis*, qui *Fiscalis* dicitur, Duodecim Assessores, Notarios aliquot juratos. III Ministrans Regi, *Thesaurarius* Regis, *Magistri Cubiculorum Regalium*, & *Agazonum*, *Dapiferorum*, *Pincernarum*, *lanitorum*, & alia minora officia. Atque hi Sublimiores. Minor qui est in singulis locis juridicis. Porro quia regnum amplissimum est, constituta sunt per Provincias iudicia particularia, quos Comitatus Hungari dicunt. Suntque hi supra Danubium ad Occidentem Tibisci flu. *Posoniensis*, *Nitriensis*, *Cepusensis*, *Gewinariensis*, *Posthiensis*, *Semliniensis*, *Comariensis*, *Liptoniensis*, *Novigradiensis*, *Abavivariensis*, *Bathiensis*, *Vngensis*, *Traackimensis*, *Barsiensis*, *Hontensis*, *Borsodiensis*, *Bodroghensis*, *Peregriensis*, *Turoezensis*, *Omuzolis*, *Tornensis*, *Heveciensis*, *Zolnocensis*, *Moramarusiensis*. Supra Danubium ad Orientem Tibisci, *Vgoghensis*, *Bihoriensis*, *Zarmariensis*, *Orodienensis*, *Zabolciensis*, *Chonadiensis*, *Temesiensis*. Inter Danubium & Dravum flu. *Musnensis*, *Zaladiensis*, *Toluenensis*, *Rhab* live *Iauriensis*, *Vesprimiensis*, *Strigoniensis*, *Soproniensis*, *Albensis*, *Sinigienensis*, *Castriferrensis*, *Pelisiensis*, *Waraniensis*. Inter Dravum & Savum fluv. *Valkonensis*, *Risensis*, *Syrimiensis*, *Warasdienensis*, *Posegiensis*, *Zagrabiensis*. Administratio Ecclesiastica penes duos est Archiepiscopos, qui sunt *Gran* vel *Strigoniensis*, Legatus Apostolicus & primas Regni. Habet sub se *Agriensem*, *Vaciensem*, *Nitriensem*, *Quinque Ecclesiensem*, *Vesprimiensem*, qui Cancellarius est Reginae quam etiam coronat, & *Jauriensem* vulgo *Rab*, Episcopos: *Colosensis* live *Colotz*, sub quo sunt *Sagabriensis*, *Transilvanienensis*, *Voceadrensis*, *Suinienensis*, *Visemburgensis*, *Cenadiensis*, live *Chonad*, *Bosnensis*. Dividitur vero Hungaria universa in Citeriorem & Ulteriorem. Citerior Hungaria omnem illum tractum complectitur qui citra Danubium est: ulterior illum, qui ultra Danubium, quam quidem mediam Tibiscus secat. Metropolis & Regni caput *Buda*, sic denominata, uti plerique existimant, a *Buda* Conditore Fratre Attilae Regis, vel ut alii scribunt, a Budinis Scythiae populis, quorum Herodotus meminit. Appiano, Irenico & Althamero *Curta* Ptol. Aliis *Aquincum* Ptol. & Antonini, cui *Legio I* adiutrix est. Huius si Urbis situm inspicias, ex parte montosa, & validis est propugnaculis firma, ut nec quicquam munitius, nec amoenius in tota ferme Hungaria inveniri possit. Publicis privatisque aedificiis ornatissimis praeter

Urbes.